



ЧАННАЦУЖУ

«ЗВЕЗДА»

4 февраль

2022 ш

ножмар

№ 4 (6787)

12+

Газета буклаккиссар
1951-ку шинал
ноябрьдания шинмай

Учредитель: МКУ «Ккуллал муниципал районналул администрация» РД
МКУ «Администрация Кулинского муниципального района» РД

Ирглийсса совещания районналул администрациялуву

Февраль зурул 1-нний Ккуллал муниципал районналул администрациялуву районналул каялувчи Шамиль Рамазановлул каялувшиннаралу тлайла дурккунни совещание, цийгу гуртту хьусса шяраваллал, районналул идаратгал каялувчитал.



Совещаниялий ххал бивгунни цаппара агьамсса масьалартту:

-Жамияттысса-политикалул иш тагьар ва низам дуруччаврил районналийсса тагьар.

Клици бувсса масьаларттагьасса бусавуртту дунни районналул каялувчинал заместитель Анатолий Давдиевлул, цалгу мяълумну бувчин бувсса районналийсса иш тагьар паракьатсса душиву, низам лиявуртту ягу цайми авазасса ишру кьавхушиву.

Районналий коронавирusrал инфекция ппив шаврил тагьардания вам му ппив кьахьунсса чаранная бусласисса ихтилат бунни Ккуллал районналул азарханалул хьунама хлакн Шамхалов Кьурбаннул, цалгу бувчин бунни гьари кланттай кунма районналийгу эпидемиялул тагьар гужлан хьанай душиву. Цанасса ппурттуву кьашайшалт гьарза хьанай бушиву ва мунийну члаачишиву эпидемиялул иш тагьар лахь хьанай душиву. Цанасса ппурттуву «Ятлул зоналуву» хьин хьанайсса бур 16 кьашайшала. Агарда ялун ливчусса кьашайшиврул лишанну дакьасса кьашайшалт бухьурча жу миннахь тавакьбуллай буру шаппа утту бишаву, цайминнацалсса хала гурттушиву чан даву, -укун

бувчин бунни хьунама хлакннал.

Ххал бивгунни мукумма районналул идараттай зузисса 65шинаяр лавайсса зузалтархнийтува зузи бансса пикри бушиву.

Аьдатравун багьсса куцуй районналийсса хьхичунсса ккаккьяртту хьун дурсса ряхва шяраваллал поселеняртту хьхичун лавсунни финансировать бан районналул бюджетрава.

-Районналийсса агьалинал оьрмулул даража цлакь буллалисса хьхичунсса масьалартту клантнил члумувусса, агьалий цинал дузал баву ва ми микл лачун кьаритаву хьхичи ххуттаву буссар гьарца шяраваллил поселенялу чла.

Районналул каялувчинал клици бунни агьалинал чулуха электроэнергия булаву ларайсса даражалый бишаврил чулинмайсса тлайласса рязи бакьашивуртту цал-цал хласул хьанай бушиву. Царагу шяраваллал поселенярттай токрал сетьраву багьайсса 220 напряжение дузалну бакьашиву. Клици бувсса масьалалул хлакьирал ялув бувчин бавуртту дунни Ваччавсса подстанциялул начальник Серегин Шамхаловлул: токрал ххалу суссу

кьусу хьуну душаврийну ва клантнил члумуву члявусса электроэнергия харж булла-лаврийну цичанма Гергебиллал сетирдаяту биалсса токрал гуж кьабуклай бушиву. Районналул каялувчинал мунил хлакьираву ххи бунни, «Россети Северный Кавказ»-райн цува увккушиву ва микка жаваб дуллушиву 2022ку шинал дакьин дулант ишиву районналийсса электро сетьрал хозяйство.

Хьирив совещаниялийн бавтлуми клул бунни районналул МКУ «Управление образование»лул цлусса Врио Жамал Оьмариевлуцал. Шамиль Рамазановлул му гьалмахчу цала чулуха барча-

гу увну цлусса кьуллугьрацал чла увкунни тлайлабацлу ва хьхичуннайшивуртту цала бусса бьохьу хларачат, пагьму гьунаргу ялун личин буну зун ка бакьаву.

Ахирданийгу Дагьусттан Республикалул каялувчинал баян бувсса куцуй ларгьсса шин Клулшиву дулаврил шин хли-савну, Шамиль Рустамовичлул дурунни барча бавуртту клулшиву дулаврил аралувусса зузалт Клулшиву дулаврил ва элмулул Врио министрнал-Я.Г. Бучаевлул цлания-2021ку шинаву ГИА тлайла дуклаккни дакларцлуну цала буржру биттур баврихлу ва мукумма зам.министра Минпросвещения Аьрасатнал Федерациялул А.В. Зырья-

новлуя.

Ккуллал районналул аудитория ППЭ №221лул сакиншинначи Патимат Гьазиеван, ППЭ №221-лул каялувчи Ма-ламмад Чариновлул Ккуллал районналул Клулшиву дулаврил Управлениялул хьхичунсса пишакар-методист Артур Амировлул-2021ку шинал Хлукуматрал итоговая аттестация дувайни дакларнхтунусса бьохьу бусса захлматру бишаврихлу.

Аьрасатнал Минпросвещениялул чулухасса амрулийну Ккуллал СОШ №2лул учитель Аьлиев Кьаплан Махламмадовичлул хьазамрай ларчунни лишан-«Почетный работник воспитания и просвещения Российской Федерации»

Конференциялий кьинилул масьалартту

Уттигьанну Ккуллал муниципал районналул администрациялул актовый заллану тлайла дурккунни Щалагу Аьрасатнал политическая партия «Единая Россия»лул Ккуллал кланттул отделениялул Х-сса конференция.

Конференциялул кьинилул масьаларттавул бухлай бия хьиривсса суаллу:

«Единая Россия» партиялул Ккуллал районналул кланттул отделениялул политикалул советрал отчетрал члумуву дурсса давурттая ва нанисса масьаларттая.

Щалагу Аьрасатнал политическая партия «Единая Россия»лул Ккуллал районналул кланттул самоуправлениялул Секретарь увчлаву; ва мукумма «Единая Россия» партиялул Ккуллал районналул кланттул отделениялул политический совет бувчлаву.

-«Единая Россия» партиялул Ккуллал районналул кланттул отделениялул контрольная комиссия бувчлаву.

Конференциялийн бавтлусса делегатьтурал хьхичи цала ихтилатраву Партиялул кланттул отделениялул секретарь Шамиль Рамазановлул клици лавгуна Ккуллал районналул кланттул отделение хьхичунсса гурттушинна дуллаи бивклишиву иширайну барг дигьлай члярусса партиялул ва миллатиртгал проекту, цийнугу бьохьушиву цила члумал барг дигьин ми проекту.

Мукумма цала ихти-

мил Рамазановлул мукумма клици лавгунни Партиялул члентурал хьхичунсса гурттушинна дуллаи бивклишиву корона-



латраву Шамиль Рамазановлул лахьсса кьимат бившунни Ккуллал районналул кланттул отделениялул Партиялул дуллалисса давурттан 2020-ку шинал сентябрь зуруй тлайла дурккунсса кланттул самоуправлениялул бувчлавурттал члумал, Аьрасатнал Федерациялул Конституциялулун поправки дуллалисса члурду булаврил члумал, мукумма лахьсса даражалыйсса ккаккьяртту хьун дуршиву клира даражалул бувчлавурттал члумуву-Аьрасатнал Федерациялул Федерал Собранялул Хлукуматрал Думалулун ва Дагьусттан Республикалул Халкьуннал Собранялулун цивгу тлайла дурккунсса 2021-ку шинал сентябрь зуруй.

Цала ихтилатраву Ша-

вирusrал инфекция ппив хьусса члумуву агьалинан бувчин бавуртту дуллаи вакцина буваврил агьамшиврия.

Кьолтисса члурду булаврийну цлуни лагу Ккуллал районналул кланттул самоуправлениялул Партиялул секретарьну увчлунни МО «Кулинский район»-лул каялувчи Шамиль Рамазанов.

Мукумма бувчлунни цлусса состав Ккуллал районналул кланттул самоуправлениелул политический совет цувгу сакин хьусса 9 инсанная ва кланттул контрольная комиссия-3 инсанная.

Шамиль Рамазановлул барчаллагь увкунни конференциялул делегатьтурахь цайнна дурсса вихшалларая ва конференциялий дурсса гурттушиннарахлу.

2 февраль - Сталинградуллал талатавриву немец-фашистнал аьрал ххит бувсса кьини

Фашистнал бух баврил лишан

1943 шинал февральданул 2-мур кьинилийн учай -Аьрасатнал талаталтрал бюхттулшиврул кьини, куну. Му бюхттулмур тарих, вих хьун захматсса кьучагъшиврул лишан

200 гьантта, 1942 шинал июльданул 17-ния 1943 шинал февральданул 2-нин най диркун дур Сталинградуллал талатаву. Муксса хлаплай лахьи ларгсса ва гужсса, миксса члявусса аьрал ва техника гьуртту хьусса талатаву дунияллул таварихраву муниннин хьуну диркун дакъар. Му талатаву най диркун дур 100 азара квадрат километра аьршарал майданнив (цланасса Воронежуллал, Ростовуллал, Волгоградуллал областирдай ва Кьал-мукьнал Республикалий). Фронтрал дазу диркун дур 850км. лахьисса. Кивагу чулуха аьмну лавсун, му талатавриву гьуртту хьанай бивкун бур 2,1млн. инсан, 2 азаруннин дирсса танкру, 2 азарунниял ххишаласса самолётру, 26 азаруннин бивссаттупру. Дунияллул килчинсса дьявилий га хьуну дур



дьявилул масъала ца чулухун бутлагисса агъамшиврул талатаву. Немец фашистнал гьужум бувну, кьувтуну бачаву микку кьуртал хьуну дур. Ми жула билаятрая лихьан буллалаву дайдирхьуну дур. Аьрасатнангу, щала дунияллулунгу «Сталинград» тисса махь хьуну бур фашизмалуял ххув шаврил лишан. Аьмну лавсун, совет аьралунная му талатавриву жанну харж дурну дур 1млн

130 азара инсаннал. Ми бакъасса, ацлазарахьул укун-масса инсанталгу ливтуну бур. Душманнаяту микку ливтуну бур 1,5 миллион-далия ливчусса фашистнал: немецгу, миннал чул бувгьусса италиянал, румыннал, венгриянал, хорватналмигу. Лайкьсса бутла Сталинградуллал талатавриву фашистурал аьрал ххит бавриву бивхьуссар дагьусттаннаясса солдатьтуралгу

Блокадалувусса Ленинград дакнин бувтунни

Хьунмасса буттал кланттул цланийсса дьявилул дурсса шавурду цими шин гьарчагу дакнру оьттул дуцан дуллау уттигу цинна дур.

Ленинград шагьрулул лагмасса немецнал шалкка буцари бувну, душман тичча эки ливчуну 78 шин хьуну дунугу дакнин бутлан бивкун хьинну дакн кьума лаглай, кьакьарттуй кьурхь дацлан диклай.

Шикку талай бивкун бур Кьяннал шьравасса Маммаев Ахмади Зулпукьардул арс, Ибрагимов Исупа Аьвдуссаланнул арс м.ц.

Вайннал бусласаврин бувну хьинну ххишала бакъа захматсса дьяви хьуну бур тикку.

Халкь ккашил литлай бунагу зий талай бивкун бур.

1943ш январь зуруй 11 километра лахьисса ххуллу бувккуну миклирайх шиккун шагьру ччатлул аьркинмунил щаллу буллау, шаву дирми буккан буллау, заводирттан аьркинмур ххилау бивкун бур.

1944ш мува январь зурул 27 нний шагьру

щаллуну тархьан бувну бур. Уттигьанну 22 январьданул Вихьуллал школалий хьунни му кьинилун хас дурсса аьпалул кьини.

Ми члунну дакнин дутлатисса ихтилат бувуна Вихьуллал школалул завуч Махлammaдова Жинасат Маммадил душнил. Ихтилат хьинну дакнурдивун кьутлай, пашмансса асар буллау бия лагма бавтлунайн.

Мунияр махь Оьма Аьлиевичлул оьрчлан ва шиккун увкнан ккаккан дуруна киносурат. Миккусса ишру хьинну асар биян буллалисса бия, хьхьичла дацлай дия тай оьсса члунну.

Киносурат ххал дуллалиминнал иттау макь дуклай дия.

Укун члумул гьаттахьхьун кьалаглагисса кьурчлисса члунну дакнин рутлай дур Ленинградуллал агьалинан ккарксса оьшивурттал.

Ми ишругу тачлау тикрал кьахьуннав, мий дакнинува личланнав. Тлутлайх бичиннав жула Ленинград.

Р.Махлammaдов

Ккуллал районналий найнна дур вакцина буваврил давурттив



Хлакьинусса кьини районналул азарханалул ккаккьярттайн бувну ккуркки щаллуну вакцина бувсану ккаллину бур 66,37% агьалинал вакцина бан ккаккан бувсса.

Клицилаганну районналул агьалинал аькьлу клулшилий му чулинмай кьущу баврийну районналий аьмсса коллективрал имунитет гьанну дур -80-85%рачлан.

Хар хавар бакъасса омикрон-штаммрал гьужум баврийну,цийнугу азар лахьаву хьанахьисса ца кьинилул мутталай, чара бакъа аьркинну бур цинявннан вакцина буван, ва мукунма 100%рал омикрон штам-

мрая бурувчуну биклаву мурадрай чара бакъа аьркинну бур хьун буван бустеручиннуча клулчингу вакцина буван. Вакцина буваврийну азар дияврия щаллуну кьабуруччирчагу мунийну буручлаччиссару азар захматну дияврия ва оьрмулуца шаврия мукунсса аьмсса пикрилийн буклай бур хлакитнал. Коронавирусул штамм цувгу клици буллалисса грекнал буква «омикрон» налийну льякьуну бур цалчин 2021ку шинал Африканал кьиблалул хлукуматирттай. Федеральний оператив штабрал махьсса ккаккьярттайн бувну коронавирусурацал талатаву дачин дурсса -омикрон-штамм

ялун ливчун бур Аьрасатнал Федерациялул 82регионналий.

2022-ку шинал январь зурул 31-ннин вакцинациялул кивагу этап лавхьуссану ккаллину бур 369бинсан Ккуллал районналий.

Хлисавравун ласияра пандемия нанисса клира шинал лажиннарай штамму жура жура хьанай бур -мутироваться хьанай, мунияту азар ци чулийгу диян най дур.

Вайнна кутласса Омикронналиясса жунма клулмур:

-Члявуми кьашай шаврил ишру хьанай бур

Омикронналийну.

-Цанная цаннайн лахьаву 7лла анаварсса дур «Дельталуцал» хлисав дуркун.

Инкубационный члун-азар дирну лишанну ялун личиннинсса члун кутласса дур-дянивну 3 гьантта

-Азар ппив шаву хьанай дур гьаваллауухчин.

Ковид-19рал вакцина бувми ягу кьашай хьуми бюхьайссар Омикронналулгу кьашай хьун -амма му члумал кьашай шаву хьун тлиссар ОРВИ журалий.

-Хьхьичими кьашай-

шавуртгашал хлисав дуркун «омикронналул» члявуну кьашай буллау бур мюржисса оьрчлру.

-Дакний битияра чара бакъа аьркинссар бигьасса тлалавшиннарду дуруччланзула цллулу сагьшиву дуруччиншиврул-члявуну шюшлашияра зула каруссахлванналий, лаххияра маска халкь бусса кланттурдай, ишла дуллалаяра антисептики, дуруччара инсантурал дянивсса манзил, члявусса агьали бусса клантурдайн заназаву чан дара.

COVID-19

ПРАВИЛА ПРОФИЛАКТИКИ НОВОЙ КОРОНАВИРУСНОЙ ИНФЕКЦИИ

ЗАЩИТИ СЕБЯ

Закрывайте рот и нос при чихании и кашле

Антисептиками и мылом с водой обрабатывайте руки и поверхности

Щеки, рот и нос закрывайте медицинской маской

Избегайте людных мест и контактов с больными людьми

Только врач может поставить диагноз - вызовите врача, если заболели

Используйте индивидуальные средства личной гигиены

